

Այս մեխանիզացիան թուլացրել է կենդանական բանուծի պահանջը գյուղերում՝ գլխավորապես հողամշակութային մեծ և շատ ավելի պակաս տրանսպորտի մեջ: Առ 1 հունվարի 1942 թ. ունենք հետևյալ պատկերը ըստ վարչական շրջանների (աղյուսակ № 5):

Աղյուսակ 6

Անասունների քանակը ըստ տեսակների առ 1 հունվարի 1942 թ.

Շրջաններ	Խոշոր եղջուրավոր	Չունեցողներ	Ոչխարներ	Ափսիք	Խոզեր	Ձիեր	Էշեր	Ուղտեր	Ջորիներ
Գորիսի	18.631	646	49.367	4.274	911	1.268	2.511	9	171
Մխիթանի	26.899	238	50.799	5.102	752	2.288	687	16	48
Կապանի	20.718	284	38.313	17.027	3.000	1.583	2.575	—	415

Մի հարյուր ընդհանուր հաշված՝

Գորիսի	70	2.4	180	16	3.4	5	9.0	—	0.6
Մխիթանի	98	0.8	185	19	2.8	8	2.5	—	0.2
Կապանի	65	0.9	129	54	9.4	5	8.0	—	1.3

№ 5 աղյուսակի տվյալները ցույց են տալիս, որ խոշոր եղջերավոր (եզ, կով) անասունի, ինչպես ոչխարների թիվը մեծ է Գորիսի և մանավանդ Մխիթանի շրջաններում: Դա բացատրվում է ամառային և ձմեռային արոտատեղերի տարածության ընդարձակումը այդ վայրերում: Այդտեղ է, որ անասնապահությունը երկրագործության կից շատ ավելի խոշոր դեր է խաղում, քան թե Կապանում:

Գոմեշների թիվը մեծ էր Գորիսի շրջանում: Դա առաջ էր եկել այն բանից, որ Գորիսում գյուղերն ունեին ընդարձակ վարելահողեր հարթ տարածությունների վրա, որոնց խորը վարելու անհրաժեշտությունը ստիպում էր վարել մեծ մասամբ գութանով, իսկ դա պահանջում էր ավելի ուժեղ քաշող ուժ: Այժմը և խոզերը մեծ տեղ են զբաղում հատկապես Կապանի անասնապահության մեջ: Դա հասկանալի է, քանի որ շրջանը բավականին հարուստ է անտառներով, որտեղ կաղնու ծառի երեք տեսակներն էլ⁴⁶ ուժեղ ներկայացված են և որտեղ անտառում արածեցնում են բացի խոզերից, նաև այծերին:

Հետաքրքրական է փոխադրող կենդանիների տեղաբաշխումը: Ուղտերի մնացորդներին հանդիպել կարելի էր միայն Մխիթանում, նաև Գորիսի շրջանում՝ այն մեծ ճանապարհների վրա, որով նախիջևանի աղը ուղտերով հնուց փոխադրվում էր դեպի Ղարաբաղ և ավելի հեռու: Նրանց պահում էին բացառապես աղբեջանցի տնտեսությունները: Ջորիների շատությունն աչքի էր ընկնում Կապանում, որտեղ, ինչպես և հարևան Մեղրու շրջանում, Պարսկաստանի մերձավորությունը շատ հին ժամանակներից դյուրացրել էր այդ կենդանու ներմուծումը: Նախքան Մինջևանից Կապան երկաթուղային ճյուղի կառուցումը ջորիներով էր կատարվում հանքաքարի փոխադրությունը հանքավայրերից մինչև ձուլարան, ինչպես և պատրաստի պղնձի փոխադրությունը դեպի Անդրկովկասի երկաթուղու Եվլախ կայարանը: Ձին հավասարապես տարածված էր Գորիսի և Կապանի շրջաններում, և գրեթե մեկուկես թվով ավելի Մխիթանում, որտեղ դեռ մինչև ավտոմեքենաների միջոցով խճուղային երթևե-

⁴⁶ Quercus iberica, Quercus macranthera et Quercus araxina